

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Andreae Alciati Emblemata

Alciati, Andrea

Patavii, 1661

Illustriss. ac generosiss. D. D. Ivlio Caesari a pace gymnasii patavini
syndico prorectori Paulus frambottus filicitatem p.

[urn:nbn:de:bsz:31-127360](#)

Illustriss. ac Generosiss. D. D.

IVLIO CÆSARI
A P A C E

GYMNASIPI PATAVINI

SYNDICO PRORECTORI

Paulus Frambottus felicitatem p.



Austo omine secundisque auspicijs Andreae Alciati,
qui primus Iurisprudentia squalorem, ac senium,
politiorum literarum cultu, ac nitore deterxit, Em-
blemata, eruditæ festinitatis opus, tempestiuæ
studiorum amœnitati diuerticulum, denuo typis
meis publici iuris facturns, clarissimo Nominis tuo,
inscriptum eo.

Nam PACIS OPVS esse literas, atque hanc artem literarum
ministram, ac fœturam ingeniorum, iampridem ego symbolo testatus
sum: & genti tua nobilissima ab eadem PACE sanctius cognomen in-
ditum est: pulcherrimo augurio, futurum quandoque ut studiorum re-
gimen, ac literarum tutela fidei tuae, industria, ac sapientia commen-
daretur.

Et ipsa quidem magni scriptoris Emblemata, intimo voluptatis sen-
su retractanti mihi, illud in primis argumenti nobilitate, atque acu-
minis lepore blanditur, quo intra militarem galeam Apes, natura mi-
raculum, aërei mellis cœlestia dona cogere finguntur: atque horrentia
Martis tegmina dulci necare distendere.

Magnificum fortunae tuae specimen. Si quidem ferrea cassis, coman-
tis iuba terrore, atque hostili sanguine rorantes crista, fera militia mu-
nera, bellique decora, quibus maiores tui inclauere, ostentant. Mox
eadem in aluearium versa, adultae gentis fetus, ac nidos excipiens, si-
derum rore, thymoque fragrantibus succis stipata, ratum tibi omen fa-
cit, quo lectissima toto Orbe iuuentus cur tuae crederetur ac te Preside,
nobilissima pubis examina Heliconios flores, ac Pasti rosaria depasta,
expressis Musarum fauis, spumantia mella conficerent, atque immorta-
les ceras excuderent.

Qui sicut frontis honore, formaque & proceritate Imperio dignus es:
ita solus aculeo carens, inermi maiestate, atatis freto feruida ingenia
temperas, & quoties magno discordia motu incessit, vulgi ani-
mos, actrepitantia bello corda non magne matris are, aut pul-
ueris iactu sedas: sed pietate grauis, ac meritis, ac mellita oratione com-
pescis, ac mulces, pacates oleas aluearibus obtendens.

Idem operum custos, atque exactor baud immitis, excubiarum, in-
dustria, ac sedulitatis, ex gentis moribus, ac disciplina, exemplum,
& lex, ignavum pecus praesepibus arcens. Ergo totum laudum tuarum
mellificium grata posteritas rependet: tibi Emblematum opus rite dica-
rum fatebitur, cuius nomen Gymnasij fastis veluti emblemata Nestoreo
poculo insertum atque illigatum venerabitur. Vale.

Patauji Cal. Junij M D C L X I.

